

翰

林

集

翰林集目錄

卷之一

雨後玉堂閑坐

六月十七日召對

與吳子華侍郎同年玉堂同直懷恩叙懇因成

長句四韻

和吳侍郎白菊

中秋禁直

錫宴日作

侍宴

宮柳

苑中

辛酉歲隨駕作

從獵三首

冬至夜作

秋霖夜憶家

恩賜櫻桃寄朝士

出官經硤石縣

訪同年李郎中

贈漁者

春陰獨酌

和孫舍人二首

雪中過重湖

寄湖南從事

翫水禽

翫雪梅有懷親屬

欲明

梅花

小隱

曛黑

曉日

醉著

柳

病中間復官二首

早起五言三韻

家書後批

湖南梅花

卽目

淨興寺杜鵑

花時錢尊師同醉

避地

息兵

翠碧鳥

贈孫仁本尊師

得楊迺書

惠州如歸館

南城見拂水薔薇

荔枝三首

寄上兄長

寶劍

登南神光寺塔院

兩賢

再思

有矚

秋深閑興

故都

夢仙

贈吳顛尊師

送人棄官入道

卷第二

感事三十四韻

向隅

社後

息慮

早起探春

味道

裏娜

秋郊閑望有感

李太舍池上紅薇

病中聞鄭璘赴洛

又一絕

夢中作

白沙縣抵邵武軍

建溪灘波

白沙縣抵尤溪

此翁

多情

失鶴

卜隱

晨興

暴雨

山院避暑

閑興

漫作二首

騰騰

寄隱者

閑居

僧影

洞庭翫月

贈隱逸

南浦

桃林場客舍木樨

中秋寄楊學士

寄禪師

清興

深院

悽悽

火蛾

信筆

雷公

船頭

喜涼

天鑿

江岸閑步

野塘

閨怨

臥疾深村有聞

安貧

殘春旅舍

鵲

露

贈僧

感舊

卽目

八月六日作四首

卷之三

驛步

訪隱者書其門

疎雨

南安寓止

夜闌

十月七日早起作

有感

觀雞鬪偶作

蜻蜒

卽日

寄麟莊道侶

初志期集

惜花

半醉

春盡

睡起

寄友人

見別離者因贈之

傷亂

南亭

太平谷翫水上花

雨

幽獨

江行

漢江行次

偶題

湖南舍桃

隰州新驛

亂後春日經野塘

贈崔江處士

過臨淮故里

贈李思齊處士

亂後至近甸有感

贈李郎中紫石硯

卷之四

長沙見紫薇花

和王舍人飲席

避地寒食

山驛

早發藍關

深村

重遊曲江

三月

秋村

殘花

夜船

傷春

歸紫閣下

夜坐

午寢夢江外兄弟

曲江夜思

過漢口

惜春

及第過堂日作

夏課日感懷

離家二日奇兄弟

遊江南水陸院

江南送別

格卑

冬日

再止廟居

老將

邊上看獵贈元戎

自刑部出充掌記

北齊二首

寄京城親友二首

野寺

吳郡懷古

守愚

村居

離家

秋雨內宴

寒食沙縣看薔薇

地爐

隰州新驛贈刺史

草書屏風

永明禪師房

登樓有題

朝退書懷

元夜卽席

大慶堂賜宴

又和

再和

重和

御製春遊長句

探使以手帛寄賀

別錦兒

閑步

丙辰奉天重圍作

雨中

與僧

晚岸

仙山

過茂陵

曲江秋日

流年

商山道中

詠燈

招隱

雨村

使風

阻風

并州

夏夜

闌干

以海棠寄李員外

驛樓

頻訪盧秀才

春恨

答友人寄酒

野釣

贈友人

曲江晚思

半睡

已涼

附錄

摭言

金鑾密記

夢溪筆談

宣和書譜

竹窻雜錄

李忠定梁溪集

後邨詩話

又

瀛奎律髓

又

石林集

潘子真詩話

筆精

金唐詩錄

十國春秋

留青日札

閩小紀

翰林集卷第一

唐翰林學士承旨行尚書

大 清 貢 生 福 鼎

雨後月中玉堂閑坐

銀臺直北金鑾外，暑雨初晴皓月中。
唯對松篁聽刻漏，更無塵土翳虛空。
綠香熨齒冰盤果，清冷侵肌水殿風。
夜久忽聞鈴索動，玉堂西畔響丁東。
禁署嚴密非本院人

雖有公事不敢遽入至於內夫人宜事亦先引鈴索
有文書卽內臣立於門外鈴聲動本院小判官出受
受訖授院使院使授學士

六月十七日召對自辰及申方歸本院

清署簾開散異香恩深咫尺對龍章花廳洞裏常時
發日向壺中特地長坐久忽疑一作驚查犯斗歸來兼
恐海生桑如今冷笑東方朔唯用詼諧侍漢皇

與吳子華侍郎同年玉堂同直懷恩敘懇因成
長句四韻兼呈諸同年

往年鶯谷接清塵今日鼇山作侍臣二紀計偕勞筆
硯余與子華俱久困名場一朝宣入掌絲綸聲名恒赫文章士

金紫雍容富貴身絳帳恩深無報路語餘相顧却酸
辛

和吳子華侍郎令狐昭化舍人歎白菊衰謝之

絕次用本韻

正憐香雪披千片，忽訝殘霞覆一叢。
此花將謝，却有紅色。還似
妖姬長年後，酒酣雙臉却微紅。

中秋禁直

星斗疎明禁漏殘，紫泥封內獨凭欄。
露和玉屑金盤冷，月射珠光貝闕寒。
天襯樓臺籠苑外，風吹歌管下
雲端。長卿祇爲長門賦，未識君臣際會難。

錫宴日作

是歲大稔，內出金幣賜百官充觀稼
宴學士院，別賜越綾百匹，委京兆府

勾當後宰相一日宴於興化亭

玉銜花馬踏香街，詔遣追歡綺席開。
中使扞從天上

去

是日在外四學士排門齊入同進狀辭赴宴所奉宜差學士院使二人押去

外人知自

口邊來臣心淨比漪漣水聖澤深於漱澗杯纔有異

恩頒稷契已將優禮及鄒枚清商適向梨園降妙妓

新行峽雨迴不敢通宵離禁直晚乘殘醉入銀臺

直當

學士二人至晚學士院使二人却押入直餘四人在外可以卜夜內臣去外知熟間丞郎給舍多來突宴余是日當直故有是句

待宴

蜂黃蝶粉兩依依狎宴臨春日正遞密旨不放江令

醉麗華

一作貴妃

微笑認皇慈

官柳

莫道春來芳意違，官娃猶似妬娥眉。幸當玉輦經過處，不怕金風浩蕩時。草色長承垂地葉，日華先動映樓枝。澗松亦有凌雲分，爭似移根太液池。

苑中

上苑離宮處處迷，相風高與露盤齊。金堦鑄出狻猊

立，玉柱雕成狒狒啼。外使調鷹初得按，

五方外按使以鷹隼初調

習始能擒獲謂之得按

中官過馬不教嘶，

上每乘馬必闕官馭以進謂之過馬既乘

之而後踐

笙歌錦繡雲霄裏，獨許詞臣醉似泥。

辛酉歲冬十一月隨駕幸岐下作

曳裾設笑殿西頭，忽聽征鐃從冕旒。鳳蓋行時移紫

氣鸞旗駐處認皇州
曉題御服頒羣吏
夜發宮嬪詔
列侯雨露涵濡三百載
不知誰擬殺身酬

從獵 三首

獵犬諳斜路
宮嬪識認旗
馬前雙兔起
宣示羽林兒
小鐙狹鞞鞞
鞍輕妓細腰
有時齊走馬
也學唱交交
蹀躞巴駙駿
毳毼碧野雞
忽聞仙樂動
賜酒玉偏提

冬至夜作

天復二年壬戌隨駕在鳳翔府

中宵忽見動葭灰
料得南枝有早梅
四野便應枯草
綠九重先覺凍雲開
陰冰莫向河源塞
陽氣今從地
底迴不道慘舒無
定分却憂蚊響又成雷

秋霖夜憶家

隨駕在鳳翔府

垂老何時見弟兄，背燈愁泣到天明。
不知短髮能多少，一滴秋霖白一莖。

恩賜櫻桃分寄朝士

右岐下

未許鶯偷出漢宮，上林初進半金籠。
蔗漿自透銀杯冷，朱實相輝玉盃紅。
俱有亂離終日恨，貴將滋味片時同。
霜威食蘖應難近，宜在紗窗繡戶中。

出官經硤石縣

天復三年二月二十二日

調官過東畿，所抵州名濮。
故里欲清明，臨風堪慟哭。
溪長柳似帷，山暖花如醜。
逆旅訝簪裾。

南路以久無
備服經過皆

相聚
悲喜

野老悲陵谷，暝鳥影連翩。
驚狐尾，燾藪尙得佐方州。
信是皇恩沐。

訪同年虞部李郎中

天復四年二月在湖南

策蹇相尋犯雪泥，厨煙未動日平西。
門庭野水襍襪，鷺鄰里短牆。咿喔雞未入慶霄，君擇肉畏逢華轂。我吹藿地爐，貰酒成狂醉，更覺襟懷得喪齊。

贈漁者

在湖南

箇儂居處近，誅茅枳棘籬。兼用荻梢盡，日風扉從自掩。無人筒釣，是誰拋城方。四面牆陰直，江濶中心水脈。切我亦好閑，忘老伴莫嫌。遷客且論交。

春陰獨酌寄同年虞部李郎中

在湖南

春陰漠漠土脈潤春寒微微風意和閑唾入甲奔兢
態醉唱落調漁樵歌詩道揣量疑可進宦情剗缺轉
無多酒酣狂興依然在其奈千莖鬢雪何

奉和峽州孫舍人肇荆南重圍中寄諸朝士二
篇時李常侍洵嚴諫議龜李起居殷衡李郎中
冉皆有繼和余久有是債今至湖南方暇牽課
敏手何妨誤汰金敢懷私忿數羊割直應宣室還三
接未必豐城便陸沉熾炭一爐真玉性濃霜千澗老
松心私恩尙有捐軀誓況是君恩萬倍深

征途安敢更遷延，冒入重圍勢使然。
衆果却因存苦李，五瓶唯恐竭甘泉。
多端莫撼三珠樹，密策尋遺七寶鞭。
黃菴舫中梅雨裏，野人無事日高眠。

雪中過重湖信筆偶題

道方時險擬如何，謫去甘心隱薜蘿。
青草湖將天暗合，白頭浪與雪相和。
旗亭臘耐踰年熟，水國春寒向晚多。
處困不忙仍不怨，醉來唯是欲傴傴。

寄湖南從事

索寞襟懷酒半醒，無人一爲解餘醒。
岸頭柳色春將盡，船背雨聲天欲明。
去國正悲同旅鴈，隔河何忍更

啼鶯蓮花幕下風流客試與溫存謹逐情

翫水禽

在湖南醴陵縣

兩兩珍禽渺渺溪翠衿紅掌淨無泥向陽眠處莎成
毯踏水飛時浪作榜依倚雕梁輕社燕抑揚金距笑
晨雞勸君細認漁翁意莫遣緝羅誤穩棲

早翫雪梅有懷親屬

北陸侯纔變南枝花已開無人同悵望把酒獨徘徊
凍白雪爲伴寒香風是媒何因逢越使腸斷謫仙材

欲明

在醴陵

欲明籬被風吹倒過午門因客到開忍苦可能遭鬼

笑息機應免致鷗猜
击僧互乞新詩去
酒保頻徵舊債來
唯有狂吟與沉飲
時時猶自觸靈臺

梅花

梅花不肯傍春光
自向深冬有艷陽
龍笛遠吹胡地月
燕釵初試漢宮粧
風雖強暴翻添思
雪欲侵凌更助香
應笑暫時桃李樹
盜天和氣作年芳

小隱

借得茅齋出麓西
擬將身世老鋤犁
清晨向市煙舍
郭寒夜歸村月照溪
爐爲窻明僧偶坐
松因雪折鳥驚啼
靈椿刺齒出來事
却笑莊生始欲齊

曛黑

古木侵天日已沉
露華涼冷潤衣襟
江城曛黑人行絕
唯有啼烏伴夜砧

曉日

天際霞光入水中
水中天際一時紅
直從日觀三更後
日觀峯半夜見日首送金烏上碧空

醉著

萬里清江萬里天
一村桑柘一村煙
漁翁醉著無人喚
過午醒來雪滿船

柳

一籠金線拂彎橋，幾被兒童損細腰。
無奈靈和標格在，春來依舊裹長條。

病中初聞復官二首

抽毫連夜待明光，執轡三年從省方。
燒玉謾勞曾歷試，鑱金寧爲欠周防。
也知恩澤招讒口，還痛神祇誤直腸。
聞道復官翻涕泗，屬車何在水茫茫。

又掛朝衣一自驚，始知天意重推誠。
青雲有路通還去，白髮無私健亦生。
曾避暖池將浴鳳，却同寒谷乍遷鶯。
官途巖嶮終難測，穩泊漁舟隱姓名。

早起五言三韻

萬樹綠楊垂千舫黃鳥語庭花風雨餘岑寂如村塢
依依官渡頭晴陽照行旅

家書後批二十八字

在醴陵時聞家在登

四序風光總是愁寶毛衰颯涕橫流此書未到心先
到想在孤城海岸頭

湖南梅花一冬再發偶題於花援

湘浦梅花兩度開直應天意別栽培玉爲通體依稀
見香號返魂容易迴寒氣與君霜裏退陽和爲爾臘
前來天桃莫倚東風勢調鼎何曾用不材

卽目

萬古離懷憎物色幾生愁緒
溺風光廢城沃土肥春
草野渡空船蕩夕陽倚道
向人多脈脈爲清因酒易
俛俛宦途棄擲須甘分迴避
紅塵是所長

淨興寺杜鵑一株繁艷無比

一園紅艷醉坡陀
自地連梢簇蔕羅
蜀魄未歸長滴
血祇應偏滴此叢多

花時與錢尊師同醉因成二十字

橋下淺深水竹間紅白花
酒仙同避世何用厭長沙
避地

西山爽氣生襟袖
南浦離愁入夢魂
人泊孤舟青草

岸鳥鳴高樹夕陽村偷生亦似符天意未死深疑負
國恩白面兒郎猶巧宦不知誰與正乾坤

息兵

漸覺人心望息兵老儒希覲見澄清正當困辱殊輕
死已過艱危却戀生多難始應彰勁節至公安肯爲
虛名暫時勝下何須恥自有蒼蒼鑒赤誠

翠碧鳥

以上並在醴陵作

天長水遠網羅稀保得重重翠碧衣挾彈小兒多害
物勸君莫近市朝飛

贈孫仁本尊師

在袁州

齒如冰雪髮如鬢幾百年來醉似泥不共世人爭得
失卧牀前有上天梯

乙丑歲九月在蕭灘鎮駐泊兩月忽得商馬楊
迢員外書賀余復除戎曹依舊承旨還緘後因

批四十字

旅寓在江郊秋風正寂寥紫泥虛寵獎白髮已漁樵
事往淒涼在時危志氣銷若爲將巧質猶擬杖於朝
丙寅二月二十二日撫州如歸館雨中有懷諸

朝客

悽悽惻惻又微嘔欲話羈愁憶故人薄酒旋醒寒徹

夜好花虛謝雨藏春萍蓬已恨爲逋客江嶺那知見
侍臣未必交情繫貧富柴門自古少車塵

三月二十七日自撫州往南城縣舟行見拂水
薔薇因有是作

江中春雨波浪肥石上野花枝葉瘦枝低波高如有
情浪去枝留如力鬪綠刺紅房戰裊時吳娃越艷醺
酣後且將濁酒伴清吟酒逸吟狂輕宇宙

荔枝三首

丙寅年秋到福州自此後並福州作

遐方不許貢珍奇密詔唯教進荔枝漢武碧桃爭比
得枉令方朔號偷兒

封開玉籠雞冠蕊
沁葉襯金盤
鶴頂鮮想得
佳人微啓齒
翠釵先取一雙懸

巧裁霞片裊神漿
崖蜜天然有異香
應是仙人金掌露
結成冰入蒨羅囊

寄上兄長

兩地支離路八千
襟懷悽愴髮蒼然
亂來未必長團會
其奈而今更長年

寶劍

困極還應有甚通
難將糞壤掩神蹤
斗間紫氣分明後
不是延津亦化龍

一作孽地成川看化龍

登南神光寺塔院

無奈離腸日九迴強攬離抱立高臺中華地向城邊
盡外國雲從島上來四序有花長見雨一冬無雪却
聞雷日宮紫氣生冠冕試望扶桑病眼開

兩賢

賣卜嚴將賣餅孫兩賢高趣恐難倫而今若有逃名
者應被品流呼俗人

再思

暴殄猶來是片時無人向此畧遲疑流金鑠石玉長
潤敗柳凋花松不知但保行藏天是證莫矜纖巧鬼

難欺近來更得窮經力好事臨行亦再思

有曠

晚涼閑步向江亭默默看書旋旋行風轉滯帆狂得
勢潮來諸水寂無聲誰將覆轍詢長策願把琴絲屬
老成安石本懷經濟意何妨一起爲蒼生

秋深閑興

此心兼笑野雲忙甘得貧閑味甚長病起乍嘗新橘
柚秋深初換熟衣裳晴來喜鵲無窮語雨後寒花特
地香把釣覆棋兼舉白不離名教可顛狂

故都

故都遙想苴萋萋上帝深疑亦自迷塞鴈已侵池藥
宿宮鴉猶戀女牆啼天涯烈士空垂涕地下強魂必
噬臍掩鼻計成終不覺馮驩無路數鳴雞

夢仙

紫霄宮闕五雲芝九級壇前再拜時鶴舞鹿眠春草
遠山高水濶夕陽遲每嗟阮肇歸何速深羨張騫去
不疑澡練純陽功力在此心唯有玉皇知

贈吳顛尊師

丙寅年作

飲酒經何代休糧度此生跡應常自浼顛亦強爲名
道若干鈞重身如一羽輕毫釐分象緯袒跣揖公卿

狗竇號光逸，漁陽裸禰衡。笑雷冬螿震，巖電夜珠明。
月滑侵簪冷，江光逼屐清。半酣思救世，一手擬扶傾。
擊地嗟衰俗，看天貯不平。自緣懷氣義，可是計烹烹。
議論通三教，年顏稱五更。老狂人不厭，密行鬼應驚。
夫識心相許，開襟語便誠。伊余常仗義，願拜十年兄。

送人棄官入道

仙李濃陰潤，臯枝密葉敷。俊才輕折桂，捷徑取紆朱。
斷繹三清路，揚鞭五達衢。側身期破的，縮手待呼盧。
社稷俄如綴，雄豪詎守株。忸怩非壯志，擺脫是良圖。
塵土留難住，縷綫棄若無。冥心歸大道，回首笑吾徒。

酒律應難忘詩魔未肯徂他年如拔宅爲我指清都

翰林集卷第一

翰林集卷第二

唐翰林學士承旨行尚書部侍郎知制誥柱國萬年韓偓著

大清貢生福鼎王遐春刊

感事三十四韻

丁卯已後

紫殿承恩歲金鑿入直年人歸三島路日過八花磚
鴛鴦皆迴席臯夔亦慕羶慶霄舒羽翼塵世有神仙
雖遇河清聖慙非岳降賢皇慈容散拙公議逼陶甄
江總參文會陳暄侍狎筵腐儒親帝座太史認星躔
側弁聆神算濡毫俟密宣官司持玉硯書省擘香牋
官司書省皆官人職名唯理心無黨憐才膝屢前焦勞皆實錄

宵旰豈虛傳始議新堯歷將期整舜絃

上自出東內幽辱勵心庶

政延接丞相之暇日在直學士詢以理道將致昇平去梯言必盡仄席意彌堅

上相思懲惡中人詎省憊鹿窮唯舐觸兔急且獬豸

本是謀賒死因之致劫遷氛霾言下合日月暗中懸

恭顯誠甘罪韋平亦恃權畏聞巢幕險寧悟積薪然

諒直尋鉗口奸織益比肩晉讒終不解魯瘠竟難痊

祇擬誅黃皓何曾識霸先嗾焚翻醜正養虎欲求全

萬乘煙塵裏干官劍戟邊斗魁當北坼地軸向西偏

衰董非徒爾師昭豈偶然中原成劫火東海遂桑田

濺血慙嵇紹逋行笑褚淵四夷同效順一命敢虛捐

山岳還青聳穹蒼舊碧鮮獨夫長啜泣多士已忘筌
鬱鬱空狂叫微微幾病癩丹梯倚寥廓終去問青天
向隅

守道得途遲中兼遇亂離剛腸成繞指鬢髮轉垂絲
客路少安處病牀無穩時弟兄消息絕獨歛向隅眉

社後

社後重陽近雲天沒薄間目隨棋客靜心共睡僧閑
歸鳥城銜日殘虹雨在山寂寥思晤語何夕歛柴關
息慮

息慮狎羣鷗行藏合自由春寒宜酒病夜雨入鄉愁

道向危時見官因亂世休外人相待淺獨說濟川舟
早起探春

勾芒一夜長精神臘後風頭已見春煙柳半眠藏利
臉雪梅含笑綻香脣漸因閑暇思量酒必怨顛狂泥
摸人若箇高情能似我且應欹枕睡清晨

味道

如舍瓦礫竟何功癡黠相兼似得中心繫是并徒悵
望事須光景旋虛空昇沉不定都如夢毀譽無恒却
要聳弋者甚多應扼腕任他閑處指冥鴻

裹娜

裏娜腰肢沒薄粧六朝宮樣窄衣裳著詞暫見櫻桃
破飛醖微聞荳蔻香春惱情懷身覺瘦酒添顏色粉
生光此心不敢分明道風月應知暗斷腸

秋郊閑望有感

楓葉微紅近有霜碧雲秋色滿吳鄉魚衝駭浪雪鱗
健鴉閃夕陽金背光心爲感知長慘感鬢緣經亂早
蒼浪可憐廣武山前語楚漢虛教作戰場

李太舍池上翫紅薇醉題

花低池小水泮泮花落池心片片輕醪酌不能羞白
鬢顛狂猶自睠紅英乍爲旅客顏常厚每見同人眼

暫明京洛林園歸未得天涯相顧一含情

余寓汀州沙縣病中聞前鄭左丞璘隨外鎮舉
薦赴洛兼云繼有急徵旋見脂轄因作七言四
韻戲以贈之或冀其感悟也

巳巳年

莫恨當年入用遲通材何處不逢知桑田變後新舟
楫華表歸來舊路歧公幹寂寥甘坐廢子牟權怵促
行期移都已改侯王第惆悵沙堤別築基

又一絕請爲申達京洛親交知余病廢

鬢惹新霜耳舊聾眼昏腰曲四肢風交親若要知形
候嵐嶂煙中折臂翁

夢中作

紫宸初啓列鴛鸞直向龍墀對揖班九曜再新環北極萬方依舊祝南山禮容肅睦纓綉外和氣薰蒸劍履間扇合却循黃道退廟堂設笑百司閑

己巳年正月十二日自沙縣抵邵武軍將謀撫信之行到纔一夕爲閩相急脚相召卻請赴沙縣郊外泊船偶成一篇

訪戴船迴郊外泊故鄉何處望天涯半明半暗山村日自落自開江廟花數醞綠醅桑落酒一甌香沫火前茶

建溪灘波心目驚眩余平生溺奇境今則畏怯
不暇因書二十八字

長貪山水羨漁樵自笑揚鞭趁早朝今日建溪驚恐
後李將軍畫也須燒

白沙縣抵尤溪縣值泉州軍過後村落皆空因
有一絕 此後唐午年

水自潺湲日自斜盡無雞犬有鳴鴉千村萬落如寒
食不見人煙空見花

此翁

此後在桃林場

高閣羣公莫忌儂儂心不在宦名中嚴光一唾垂綬

紫何屑三遺大帶紅金勁任從千口鑠玉寒曾試幾
爐烘唯應鬼眼兼天眼窺見行藏信此翁

多情

天遣多情不自持多情兼與病相宜蜂偷野蜜初嘗
處鶯惜舍桃欲咽時酒蕩襟懷微叵我春牽情緒更
融怡水香剩貯金杯裏瓊樹長須浸一枝

失鶴

正憐標格出華亭況是昂藏入相經碧落順風初得
志故巢因雨却聞腥幾時翔集來華表每日沉吟看
畫屏爲報雞羣虛嫉妬紅塵向上有青冥

卜隱

屏跡還應減是非，却憂藍玉又光輝。
桑梢出舍蠶初老，柳絮蓋溪魚正肥。
世亂豈容長愜意，景清還覺易忘機。
世間華美無心問，藜藿充腸苧作衣。

晨興

曉景山河爽，閑居巷陌清。
已能消滯念，兼得散餘醒。
汲水人初起，迴燈燕暫驚。
放懷殊未足，圓隙已塵生。

暴雨

電尾燒黑雲，雨脚飛銀線。
急點濺池心，微煙昏水面。
氣涼氛稜消，暑退松篁健。
叢蓼亞頰茸，擎荷翻綠扇。

風期誰與同逸趣余探遍欲去更遲留胸中久交戰

山院避暑

行樂江郊□追涼山寺中靜陰生晚綠寂慮延清風
運塞地維窄氣蘇天宇空何人識幽抱目送冥冥鴻

閑興

景寂有予味韻高無俗情他山水雪解此水波瀾生
影重驗花密滴稀知酒清忙人常擾擾安得心和平

漫作二首

暑雨灑和氣香風吹日華瞬龍驚汗漫翥鳳絳雲霞
子圃珠爲樹天池玉作沙丹霄能幾級何必待乘槎

黍谷純陽入鸞霄瑞彩生
岳靈分正氣仙衛借神兵
汗俗迎風變虛懷遇物傾
千鈞將一羽輕重在平衡
騰騰

八年流落醉騰騰點檢行藏喜不勝
烏帽數餐兼施藥前生多恐是醫僧

寄隱者

煙郭雲扃路不遙
懷賢猶恨太迢迢
長松夜落釵千股
小港春添水半腰
已約病身拋印綬
不嫌門巷似漁樵
渭濱晦迹南陽卧
若比吾徒更寂寥

閑居

厭聞趨競喜閑居自種蕪菁亦自鋤麋鹿跳梁憂觸
撥鷹鷂搏擊恐麤疎拙謀却爲多循理所短深慙盡
信書刀尺不虧繩墨在莫疑張翰戀鱸魚

僧影

山色依然僧已亡竹間疎磬隔殘陽智燈已滅餘空
燼猶自光明照十方

洞庭翫月

洞庭湖上清秋月皎湖寬萬頃霜玉椀深沉潭底
白金杯細碎浪頭光寒驚鳥鵲離巢噪冷射蛟螭換
窟藏更憶瑤臺逢此夜水精官殿挹瓊漿

贈隱逸

靜景須教靜者尋，清狂何必在山陰。
蜂穿窻紙塵侵硯，鳥鬪庭花露滴琴。
莫笑亂離纔解印，猶勝顛蹶未抽簪。
築金所得非名士，況是無人解築金。

南浦

月若半環雲若吐，高樓簾捲當南浦。
應是石城艇子來，兩槳咿啞過花塢。
正值連宵酒未醒，不宜此際兼微雨。
直教筆底有文星，亦應難狀分明苦。

桃林場客舍之前有池半畝，木槿櫛比，闕水遮山。因命僕夫運斤梳沐，豁然清朗，復視太虛，因

作五言八韻

插槿作藩籬叢生覆小池爲能妨遠目因遣去閑枝
隣叟偷來賞棲禽欲下疑虛空無障處蒙閉有開時
葦鷺憐瀟灑泥鱗畏日曦稍寬春水面盡見晚山眉
岸隱人偷釣堦明日上基世間多弊事事事要良醫

中秋寄楊學士

鱗差甲子漸衰遲依舊年年困亂離八月夜來鄉思
切鬢邊添得幾莖絲

寄禪師

他心明與此心同妙用忘言理暗通氣運陰陽成世

界水浮天地寄虛空劫灰聚散銖錙黑日御奔馳
萬粟紅萬物盡遭風鼓動唯應禪室靜無風

清興

陰沉天氣連翩醉摘索花枝料峭寒擁鼻遶廊吟看
雨不知遺却竹皮冠

深院

鶯兒啞噠梳黃嘴鳳子輕盈膩粉腰深院下簾人晝
寢紅薔薇架碧芭蕉

淒淒

深將寵辱齊往往亦淒淒白日知丹抱青雲有舊谿

嗜醜凌魯濟惡潔助涇泥風雨今如晦堪憐報曉雞

火蛾

陽光不照臨積陰生此類非無惜死心奈有滅明意
粧穿粉焰焦翅撲蘭膏沸爲爾一傷嗟自棄非天棄

信筆

春風狂似虎春浪白於鶯柳密藏煙易松長見日多
石崖採芝叟鄉俗摘茶歌道在無依鬱天將奈爾何

雷公

閑人倚柱笑雷公又向深山霹怪松必若有蘇天下
意何如驚起武侯龍

船頭

兩岸綠蕪齊似翦掩映雲山相向晚
船頭獨立望長空日艷波光逼人眼

喜涼

爐炭燒人百疾生鳳狂龍噪滅心情
四山毒瘴乾坤濁一簞涼風世界清
楚調忽驚淒玉柱漢宮應已濕
金莖豪強頓息蛙唇吻爽利重新鵲
眼睛晴穩想海槎朝犯斗健思胡馬
夜翻營東南亦是中華分蒸鬱相
凌太平

天鑒

何勞諂笑學趨時務實清修勝用機猛虎十年搖尾
立蒼鷹一旦醒心飛神依正道終潛衛天鑒衷腸競
不違事歷艱難人始重九層成後喜從微

江岸閑步

此後壬申年作在南安縣

一手攜書一杖筇出門何處覓情通立談禪客傳心
印坐睡漁師著背篷青布旗誇千日酒白頭浪吼半
江風淮陰市裏人相見盡道途窮未必窮

野塘

侵曉乘涼偶獨來不因魚躍見萍開卷荷忽被微風
觸瀉下清香露一杯

閨怨

時光潛去暗淒涼
懶對菱花暈晚粧
初拆鞦韆人寂寞
後園青草任他長

余卧疾深村聞一二郎官今稱繼使聞越笑余
迂古潛於異鄉聞之因成此篇

枕流方採北山薇
驛騎交迎市道兒
霧豹祇憂無石室
泥鯨唯要滂池不羞莽卓黃金印却笑羲皇白
接離莫負美名書
信史清風掃地更無遺

安貧

手風慵展一行書
眼暗休尋九局圖
窻裏日光飛野

馬鞍頭筠管長蒲盧謀身拙爲安
馳足報國危會捋
虎鬚滿世可能無
默識未知誰擬試
齊竿

殘春旅舍

旅舍殘春宿雨晴
恍然心地憶咸京
樹頭蜂抱花鬚
落池面魚吹柳絮
行禪伏詩魔歸淨域
酒衝愁陣出
奇兵兩梁免被塵埃汗
拂拭朝簪待眼明

鵲

偏承雨露潤毛衣
黑白分明衆所知
高處營巢親鳳
闕靜時閑語上
龍墀化爲金印
新祥瑞飛向銀河
舊路歧莫怪天涯
棲不穩託身須是
萬年枝

露

鶴非干歲飲猶難鶯舌偷含豈自安
光濕最宜叢菊亞蕩搖無奈綠荷乾
名因霈澤隨天睭分與濃霜保
歲寒五色呈祥須得處曼雲仙掌有金盤

贈僧

盡說歸山避戰塵幾人終肯別囂氛
瓶添澗水盛將月衲掛松枝惹得雲
三接舊承前席遇一靈今用戒
香熏相逢莫話金鑾事觸撥傷心不願聞

感舊

省趨弓閣侍貂璫指座恩深刻寸腸
秦苑已荒空逝

水楚天無恨更斜陽時昏却笑朱絃直事過方聞鏢
骨香入室故寮流落盡路人惆悵見靈光

卽目

動非求進靜非禪昨舌吞聲過十年溪漲浪花如積
石雨晴雲葉似連錢干戈歲久諳戎事枕簟秋深減
夜眠攻苦慣來無不可寸心如水但澄鮮

八月六日作

四首

日離黃道十年昏敏手重開造化門火帝動爐銷劍
戟風師吹雨洗乾坤左牽犬馬誠難測右袒簪纓最
負恩丹筆不知誰定罪莫留遺迹怨神孫

金虎挺災不復論，搆成狂獠犯車塵。
御衣空惜侍中血，國璽幾危皇后身。
圖霸未能知盜道，飾非唯欲害仁人。
黃旗紫氣今仍舊，免使老臣攀畫輪。

簪裾皆是漢公卿，盡作鋒鋌劍血腥。
顯負舊恩歸亂主，難教新國用輕刑。
穴中狡兔終須盡，井上嬰兒豈自寧。
底事亦疑懲未了，更應書罪在泉扃。

坐看苞藏負國恩，無才不得預經綸。
袁安墜睫尋憂漢，賈誼濡毫但過秦。
威鳳鬼應遮矢射，靈犀天與隔塵埃。
隄防瓜李能終始，免愧于心負此身。